



Republika e Kosovës

Republika Kosovo / Republic of Kosovo

Komuna e Rahovecit

Opština Orahovac / Municipality Rahovec



Drejtoria për Bujqësi, Pylltari dhe Zhvillim Rural

Uprava za Poljoprivredu, Sumarstvo i Ruralni Razvoj

Department of Agriculture, Forestry and Rural Development



REPUBLIKA E KOSOVËS
REPUBLIKA KOSOVA



KOMUNA E RAHOVECIT - OPŠTINA ORAHOVAC
Drejtoria për Administratë të përgjithshme
Uprava za Opštu Upravu

Nr. i prot.
Br. prot.

173

Më

24.07.2019

RAHOVEC - ORAHOVAC

RAPORTI VJETOR I PUNËS

2018



PËRMBAJTJA

PËRMBAJTJA.....	2
DREJTORIA PËR BUJQËSI, PYLLTARI DHE ZHVILLIM RURAL.....	3
Aktivitetet.....	3
Projektet e investimeve kapitale.....	6
PËRFUNDIM.....	9

DREJTORIA PËR BUJQËSI, PYLLTARI DHE ZHVILLIM RURAL

Bujqësia, Pylltaria dhe Zhvillimi Rural janë sektorët kryesor të cilët mund të kontribuojnë dukshëm në zhvillimin e përgjithshëm ekonomik të vendit. Bujqësia dhe diversifikimi rural janë sektorë që ofrojnë mundësi reale për zbutjen e varfërisë, gjenerimin e vendeve të reja të punës dhe për krijimin e të ardhurave për banorët e komunës së Rahovecit.

Komuna e Rahovecit përmes politikave dhe strategjive zhvillimore është orientuar në mbështetje të faktorëve të prodhimit, në stimulimin e fermerëve dhe në krijimin e një ambienti sa më të favorshëm zhvillimor. Këto politika dhe strategji janë duke krijuar mundësi që të arrihet një zhvillim i qëndrueshëm dhe një shfrytëzim shumë më efikas i resurseve natyrore të cilat i posedon komuna jonë.

Aktivitetet

Në kuadër të drejtorisë së BPZHR-së, nga janari janë realizuar një mori aktivitete. Ndër më kryesoret do të paraqiten të specifikuar sipas kohës në të cilën kanë ndodhur.

- Pranimi i aplikacioneve për subvencionim të qumështit – MBPZHR hap thirrjen në baza 3 mujore, Drejtoria e BPZHR-se pranon aplikacionet dhe te njëjtat i dorëzon në Ministri për pagesë.
- Analizimi i projekteve të vjetra (të trashëguara) të cilat nuk janë përfunduar, dalje në terren së bashku me inxhinierët e Komunës, ku janë përpiluar raporte dhe janë nxjerr përfundime lidhur me këto projekte.
- Pranimi dhe përgjigje ndaj kërkesave të ndryshme nga qytetarët
- DBPZHR ka ndërmarr masat dhe është përgatitur me kohë për hapjen e thirrjeve nga MBPZHR për pagesa direkte (jemi kujdesur që të furnizohemi me material administrativ për të përballuar fluksin e madh të fermerëve),
- Poashtu jemi përgatitur dhe kanë përfunduar me kohë procedurat për rritje të stafit në drejtori për pagesa direkte (janë pranuar 5 zyrtarë të rinj me kontratë për punë specifike si dhe dy të tjerë nga drejtoritë e tjera),
- Me 15 shkurt ka filluar faza e aplikimit të pagesave direkte (ky proces është zhvilluar me mjaft sukses, falë përkushtimit të zyrtarëve në DBPZHR),
- Janë plotësuar procedurat për plotësimin e vendit të lirë të punës në pozitën “Roje Pylli” (është pranuar një punëtor në sektorin e pylltarisë), i janë dhënë detyrat dhe i është përcaktuar terreni në të cilin do të operojë,
- Në bashkëpunim me Qendrën Grumbulluese “ Agrocelina” është organizuar takim me fermerë të fshatit Ratkoc dhe fshatit Krushë e Madhe, në këto takime është paraqitur planifikimi i QG “Agrocelina” për vitin 2018 dhe u është prezantuar fermerëve në mënyrë që të lidhen kontratat me këto qendra grumbulluese. Si rezultat i këtyre takimeve QG Agrocelina ka rritur te eksportoj me sukses prodhimet bujqësore të komunës sonë.
- Dita Ndërkombëtare Pyjeve - Në bashkëpunim me Asociacionin e Pronarëve Privat të Pyjeve është organizuar Dita Ndërkombëtare e Pyjeve, janë siguruar 1,000 fidane për komunën e Rahovecit të cilat janë mbjellur në lokacione të ndryshme,
- Në bashkëpunim me drejtorinë për Urbanizëm është shënuar “Dita e Tokës” janë zhvilluar një sërë aktivitete lidhur me këtë eveniment
- Janë projektuar dhe është plotësuar dokumentacioni për aplikim të granteve të projekteve me bashkëfinancim (GLV) dhe janë dorëzuar në MBPZHR,

Si rezultat i këtij aplikimi Komuna e Rahovecit ka arritur të jetë përfituese e 3 projekteve

1. Varrezat e dëshmorëve dhe platoja në fshatin Nagac,
 2. Rrethimi i hapësirës në zonën turistike, në magjistralen Rahovec-Malishevë,
 3. Ulëse të parqeve nëpër qytet dhe fshatra.
- Janë organizuar dy trajnime për fermerë, njëri në sektorin e Blegtorisë dhe tjetri në atë të Bletarisë në kuadër të shërbimeve këshillimore,
 - Formim i komisionit për vlerësim të dëmeve në bujqësi, në kuadër të këtij komisioni janë formuar tre grupe punuese dhe vazhdimisht për rreth 10 ditë zyrtarët kanë qenë në terren duke kontrolluar çdo parcelë dhe duke grumbulluar shënime lidhur me dëmet e shkaktuara nga breshëri dhe vërshimet,
 - Pas përfundimit të vizitave në terren ka filluar faza e grumbullimit dhe analizimi i të dhënave për dëmet e shkaktuara, ku është përpiluar edhe raporti për dëmet nga breshëri dhe vërshimet,
 - Kërkesë dhe takim me Kryeministrin e Qeverisë së Republikës së Kosovës për vizitë Komunes sonë dhe zonave të dëmtuara nga fatkeqësitë natyrore.

Padyshim se muaji mars dhe prill kanë qenë muaj me vëllim më të shtuar të punëve, pasi mbi 3,000 fermerë kanë kryer fazën e aplikimit dhe për secilin është dashur të kryhet digjitalizimi i parcelave.

RAPORTI VJETOR I PUNËS | 2018

Tabela 1. Lista me të dhënat për pagesa direkte – subvencione

Nr. rendor	Lloji I kulturës	Siperfaqe në Ha	Kultura / Vlera e perkrahjes	Vlera
1	Grurë	1,600.94	Drithëra / 150€	240,141 €
2	Misër	1,245.82	Drithëra / 150€	186,873 €
3	Elb	12.7	Drithëra / 150€	1,905 €
	Gjithsej	2,859.46		428,919 €

4	Vreshta	2,509.33	Vreshta / 1,000€	2,509,330 €
---	----------------	-----------------	-------------------------	--------------------

5	Speca	723.76	Perime / 300€	217,128 €
6	Domate	12.33	Perime / 300€	3,699 €
7	Qepë	159.28	Perime / 300€	47,784 €
8	Hudhër	43.78	Perime / 300€	13,134 €
9	Patate	194.9	Perime / 300€	58,470 €
10	Tranguj	93.1	Perime / 300€	27,930 €
11	Karota	19.03	Perime / 300€	5,709 €
12	Rrepkë	2.84	Perime / 300€	852 €
13	Lakër	56.85	Perime / 300€	17,055 €
14	Lulelakër	3.77	Perime / 300€	1,131 €
16	Presh	3.5	Perime / 300€	1,050 €
	Gjithsej	1,313.14		393,942 €

17	Shalqinj	174.08	Kungullore / 300€	52,224 €
18	Pjepër	57.67	Kungullore / 300€	17,301 €
19	Kunguj	305.06	Kungullore / 300€	91,518 €
	Gjithsej	536.81		161,043 €
21	Dardhë	1.2	Pemë / 400€	480 €
22	Dredhëz	4.99	Pemë / 400€	1,996 €
23	Kumbull	34.74	Pemë / 400€	13,896 €
25	Mollë	11.61	Pemë / 400€	4,644 €
26	Arra	2.48	Pemë / 400€	992 €
	Gjithsej	55.02	Pemë / 400€	22,008 €

27	Fidane të hardhisë	146,000	Fidane / 0.10€	14,600 €
28	Bletë	5,960	Bletë / 15€	89,400 €
29	Lopë	1,929	Bagëti / 15€	135,030 €
30	Dhi	342	Bagëti / 15€	5,130 €
31	Dele	9,613	Bagëti / 15€	144,195 €
32	Pula vojëse	61,400	Shpezëtari / 0.50€	30,700 €
GJITHSEJ VLERA				3,934,297 €

Projektet e investimeve kapitale

Gjatë këtij viti janë implementuar këto projekte:


Ndërtimi i Serave me Participim – Pas mbylljes së thirrjes për aplikim dhe formimit të komisionit janë shpallur rezultatet e përfutueseve. Për dallim nga vitet e mëparshme kemi paraqitur dy ndryshime në të mirë të fermerëve

1. Participimi është ulur nga 25% në 20% nga fermeret, dhe
2. Rritja e sipërfaqes në tre lloje, 1.5 ari, 3 ari dhe 5 ari

Gjithsej përfutues në kontratën e lidhur për vitin 2018 janë 117 (60 copë x 1.5 ari, 53 copë x 3 ari dhe 16 copë x 5 ari).



Me ndryshimet që i janë bërë projektit “Ulja e Niveletës së përroit në fshatin Celin” ka filluar ndërtimi i këtij kanali i cili njëherë e përgjithmonë eliminon problemin e fermerëve, ku për cdo vit tokat e tyre vërshoheshin nga dalja prej shtratit e këtij përroi. Ky projekt kap vlerën 178,068€ dhe trajton 1,237m kanal të hapur. Projekti pritet të përfundojë në pranverën e vitit 2019



“Ndërtimi i infrastrukturës për festivalin dhe tregun e rrushit” pa dyshim që është njëri ndër projektet me rëndësi të madhe për sektorin e bujqësisë së Komunës sonë. Kanë vazhduar punimet sipas projektit, ne kemi rritur buxhetin për vitin 2018 në mënyrë që të përfundojë i tërë projekti, duke u nisur nga fakti se nëse këtë lokacion gjatë 3 netëve të Festës së vjeljes së rrushit frekuentohet nga më shumë se 60 mijë vizitorë si nga vendi ashtu edhe ndërkombëtar.


Kanali i kullimit të tokave Bujqësore në fshatrat Xërxë-Fortesë” Edhe ky projekt ka pësuar ndryshime në të mirë të qytetarëve të Komunës sonë e konkretisht banorëve të fshatit Xërxë, pasi është shtuar edhe një segment prej 850m që do të trajtojë ujërat atmosferik bashkë me projektin ekzistues prej 1,635m. Ne kemi shtyer këtë projekt me të vetmin qëllim që tokat e punës përball Ndërmarrjes Sillosi që i kemi parë të vërshuara tani e 20 vite do të kullohen në kanali e hapur që po e ndërton Komuna e Rahovecit.



Kanali i Kullimit të tokave bujqësore në fshatrat: Ratkoc, Malësi e Vogël dhe Gexhë – ky projekt i harruar për më shumë se 4 vite ka rifilluar të implementohet. Me ridestinimin që ka ndodhur në muajin tetor, janë ndarë mjete dhe kanë filluar punimet.

Punimet në projektin “Pastrim i përrrenjve në komunën e Rahovecit” ky projekt ka qenë në vazhdim është vazhduar me dy pozicione të mbetura dhe është përfunduar.

Me 7,8 dhe 9 shtator është organizuar “Festa e Vjeles së Rrushit” Ku DBPZHR ka qenë bartëse e këtij aktiviteti. Në bazë të matjeve të organizatave të ndryshme ky ka qenë vit rekord për nga numri i vizitorëve, e poashtu nga kritikët është vlerësuar ndër vitet më të suksesshme rreth organizimit.



Poashtu pjesë aktive e festës së perimeve në Krushë të Madhe “Agro-festa” edhe përkundër faktit që ky vit nuk ka qenë më i miri për sektorin e perimekulturës, përshkak të kushteve të pa-volitshme klimatike që mbretëruan këtë vit në vendin tonë.



Kemi mbajtur raporte të mira me organizatat që operojnë në Kosovë në sektorin e bujqësisë, vlen të përmendet se kemi nënshkuar edhe memorandume të bashkëpunimit.

Një i tillë është me organizatën IADK, ku qysh në këtë vit, nga Komuna e Rahovecit kanë arritur të përfitojnë 5 fermer në sektorin e “Bimëve Mjekësore Aromatike”

Memorandumi tjetër i nënshkruar me këtë organizatë do të trajtoj qështjen e të Riatdhesuarve që fokus e kanë sektorin e bujqësisë. Nga ky projekt do të përfitojnë 105 fermerë dhe ne do të qëndrojmë shumë afër tyre.

Një situatë e cila pritet që të i jepet zgjidhje gjatë vitit 2019 është “Menaxhimi i Vendgjahishtes – Dafina”. Ka zhvillime pozitive për këtë temë, e cila llogaritet ndër më të vështirat dhe do të konsiderohet sfidë e vitit të ardhshëm.

Assesi nuk mund të mos paraqitet në këtë raport përmbledhës pika kryesore në vitin 2018, e që për shumë skeptikë dhe pesimistë ka qenë e pamundur, planifikimi dhe ndarja e buxhetit për investime kapitale në vitin 2019 të arrijë në 1 milionë euro. Kjo shifër tanimë është aprovuar nga Kuvendi Komunal dhe Ministria e Financave, ku Drejtoria e BPZHR-së për vitin 2019 do të ketë buxhet: **1,028,000€**

PËRFUNDIM

Ky raport përmbledhës paraqet thekset kryesore të aktiviteteve që kanë ndodhur gjatë kësaj periudhe raportuese. Dihet se planifikimi i buxhetit ishte bërë nga qeveria e kaluar. Ne e realizuam në përpikëri si dhe arritëm që të kemi ndryshime thelbësore në të mirë të qytetarëve të komunës sonë.

Padyshim se viti 2018 ishte vit i vështirë sidomos për sektorin e bujqësisë pasi jemi përballur me fatëkeqësi natyrore prej më të ndryshmeve, por ne jemi munduar që bashkërisht ta përballojmë situatën e krijuar.

Kontakti me qytetarët dhe me grupet e interesit për të trajtuar dhe zgjidhur së bashku kërkesa, nevoja dhe interesa të tyre, ka qenë i përhershëm.

Raportet e mira me OJQ-të, por dhe me organizatat mbikëqyrëse, na kanë ndihmuar shumë.

Mirëpresim kontributin e secilit që përmes vërejtjeve, këshillave, plotësimeve apo të dobësive eventuale, që t'i bëjmë bashkërisht përmirësimet e nevojshme, në mënyrë që në të ardhmen ta bëjmë përditë e më mirë punën tonë.

30.01.2019

Rahovec

DREJTORI DBPZHR-së

Berat Duraku